

Broj: 02-11-4-964-11/22
Sarajevo, 22.07.2022.godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, broj: 39/14), a na prijedlog Komisije za javne nabavke, imenovane Rješenjem, broj: : 02-11-4-964-1/22 od 10.06.2022. godine, federalni ministar raseljenih osoba i izbjeglica **d o n o s i**

O D L U K U
**o izboru najpovoljnijeg ponuđača za nabavku roba kancelarijskog materijala
i pribora za potrebe Federalnog ministarstva raseljenih osoba i izbjeglica**

I

U cilju odabira najpovoljnijeg ponuđača, nakon provedenog otvorenog postupka javne nabavke roba - kancelarijskog materijala i pribora za potrebe Federalnog ministarstva raseljenih osoba i izbjeglica, evidencijski broj nabavke: 02-11-4-964-3/22, broj obavještenja o nabavci sa portala javnih nabavki: 668-1-1-26-3-58/22, kao najbolje ocijenjena prihvatljiva ponuda je ponuda ponuđača:

- **R&S d.o.o. Sarajevo, sa ukupnom cijenom ponude bez PDV-a u iznosu od 48.007,60 KM**

II

Ponuđač iz tačke I ove odluke ocijenjen je kao najpovoljniji jer ispunjava uslove postavljene tenderskom dokumentacijom, a u skladu sa kriterijem za dodjelu ugovora (najniža cijena), ponudio je najnižu cijenu.

III

Za realizaciju ove odluke zadužuje se Sektor za pravne, finansijske i opće poslove ovog Ministarstva.

IV

Odluka stupa na snagu danom donošenja i objavit će se na web stranici Federalnog ministarstva raseljenih osoba i izbjeglica, u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

O b r a z l o ž e n j e

Postupak nabavke pokrenut je Odlukom o pokretanju postupka nabavke, broj: 02-11-4-964/22 od 10.06.2022. godine. Javna nabavka provedena je putem otvorenog postupka nabavke. Procijenjena vrijednost nabavke iznosila je 48.000,00 KM bez PDV-a i predviđena je Planom javnih nabavki za 2022. godinu Ministarstva, dio I Robe pod rednim brojem 3. – kancelarijski materijal i pribor. Obavještenje o nabavci, broj: 668-1-1-26-3-58/22 poslano je na objavu 22.06.2022. godine, te je zajedno sa tenderskom dokumentacijom, istog dana objavljeno na portalu javnih nabavki. Za ovaj postupak nabavke ugovorni organ je predvidio provođenje e-aukcije i zaključivanje okvirnog sporazuma sa jednim ponuđačem na 1 godinu.

Tendersku dokumentaciju preuzelo je 9 privrednih subjekata, a 2 ponuđača dostavila su ponude u predmetnom postupku nabavke. Obje ponude dostavljene su blagovremeno. Ponude su dostavili sljedeći ponuđači: Aero-Exclusive d.o.o. Sarajevo i R&S d.o.o. Sarajevo.

Komisija za javne nabavke izvršila je pregled i evaluaciju prispjelih ponuda, provela e-aukciju i dostavila federalnom ministru raseljenih osoba i izbjeglica Zapisnik o pregledu i ocjeni ponuda, broj: 02-11-4-964-10/22 od 18.07.2022. godine, sa preporukom o izboru najpovoljnijeg ponuđača R&S d.o.o. Sarajevo, sa registriranim sjedištem u ul. Igmanska bb Vogošća, ID broj: 420056290005.

Budući da je najniža ponuđena cijena premašila iznos procijenjene vrijednosti nabavke za 7,60 KM, odnosno za 0,0158 %, federalni ministar je aktom, broj: 02-11-4-964-9/22 od 15.07.2022. godine dao saglasnost da se predmetni postupak nastavi, jer Ugovorni organ ima dovoljno sredstava za finansiranje ovog sporazuma.

U postupku donošenja ove odluke, posebno su ocijenjene činjenice da je Komisija pravilno i potpuno izvršila ocjenu kvalificiranosti ponuđača, te ocjenu prispjelih ponuda, shodno postavljenim uslovima iz tenderske dokumentacije.

U postupku ocjene provedenog postupka, federalni ministar nije našao razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Izabrani ponuđač odabran je primjenjujući kriterij najniže cijene.

Uzimajući u obzir naprijed navedeno, odlučeno je kao u dispozitivu ove odluke.

Pouka o pravnom lijeku:

Protiv ove Odluke, svaki od ponuđača koji je učestvovao u postupku nabavke, može izjaviti žalbu ugovornom organu - Federalnom ministarstvu raseljenih osoba i izbjeglica, u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana prijema ove odluke.

MINISTAR

dr.sci. Edin Ramić

Dostaviti:

1. Svim ponuđačima u postupku
2. Komisiji za nabavke
3. Sektor za pravne, finansijske i opće poslove
4. a/a